

Aningaasarsianit akileraarutit pillugit inatsisartut inatsisaata allanngortinneqarnissaanut, inatsisartut inatsisaat (Umiarsuit takornarianik angallassissutit angallassinerat Dansk Internationalt Skibsregisterimi nalunaarsorneqalernissaannik aammalu ilinniagaqartut ilaannut ilanngaammik immikkut ittumik ilanngaateqalersitsineq)

§ 1

Aningaasarsianit akileraarutit pillugit inatsisartut inatsisaat nr. 5, 19. maj 1979-imeersoq, kingullermik inatsisartut inatsisaatigut nr. 6, 10. april 2003-imeersukkut allanngortinneqartutigut, matumuuna uku allannguutigittinneqassapput:

1. § 15-ip kingorna ilanngunneqassaaq:

"§ 15 a. Inunnut Kalaallit Nunaanni tunngaviusumik ilinniartitsivinni ilinniartunut, Kalaallit Nunaanni sulinermik misiliillutik Kalaallit Nunaannilu ilinniarfinnut paarlakaajaallugit ilinniartunut, imaluunniit Kalaallit Nunaanni sulinermik misiliillutik Danmarkimilu ilinniarfinnut paarlakaajaallugit ilinniartunut, ilinniagaqarnermut tapiissuteqartarnerup inatsisartut peqqussutaanni § 2 a naapertorlugu ilinniartunut akissarsiaqartitsineq sulisitsisumut tapiissutigineqartartoq, ukiumut ani-ngaasarsiorfusumut 2004-imut aningaasarsiat akileraaruteqaataasussat naatsorsuiffigineqalerpata appartinneqassapput imaalillugu, ilinniagaqartup ilinniagaqarnermini akissarsiai aningaasarsiat B-tut naatsorsorneqarnerisa annertoqataanut.

Imm. 2. Inuit Inunnik isumaginnittunngorniarlutik ilinniagaqartunut, Peqqinnissamik siammarsaa-sutut ilinniagaqartunut, Savaatilittut inuussutissarsiortutut ilinniagaqartunut aammalu ilinniagaqar-tut atuarfimmit sulinikkut misiliisinneqartunut, immikkoortoq 1-imi maleruagassamut ilaatinne-qanngillat.

2. § 34-ip kingorna ilanngunneqassaaq:

"§ 34 b. Inuk § 1 imaluunniit § 2 naapertorlugu akileraartussaataasooq umiarsuarmi Dansk Internationalt skibsregisterimi nalunaarsorsimasumi, umiarsuarmi inunnik angallassissummi 1.100 bruttotonnage taannaluunniit qaangerlugu usitussusilimmi, umiarsuurtullu takornarianik angallassissutitut angalasumi sulinermigut akissarsiaqarsimappat, akileraarutissat tamarmiusut akissarsiat taakkua akileraarutitaannut naapertuuttumik annertussusilinnik appartinneqassapput."

§ 2

Inatsit 1. juni 2004-imi atuutsinneqalissaaq, ukioq aningaasarsiorfusoq 2004 aallarnerfigalugu
atuuttuulersinneqassalluni.

Namminersornerullutik Oqartussat ulloq 21. maj 2004

Hans Enoksen

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut